

# საქართველოს მთავრობის

## დადგენილება №183

2024 წლის 4 ივნისი

ქ. თბილისი

### საქართველოს თავდაცვის სამინისტროს სატრანსპორტო საშუალებათა რეგისტრაციის მოწმობის ფორმის დამტკიცების შესახებ

#### მუხლი 1

„საგზაო მოძრაობის შესახებ“ საქართველოს კანონის 53-ე მუხლის 10<sup>1</sup> პუნქტისა და „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-6 მუხლის პირველი პუნქტის შესაბამისად, დამტკიცდეს თანდართული „საქართველოს თავდაცვის სამინისტროს სატრანსპორტო საშუალებათა რეგისტრაციის მოწმობის ფორმა“.

#### მუხლი 2

ამ დადგენილების ამოქმედების შემდეგ „საქართველოს თავდაცვის სამინისტროს სატრანსპორტო საშუალებების სარეგისტრაციო მოწმობის ნიმუშის დამტკიცების შესახებ“ საქართველოს პრეზიდენტის 2011 წლის 12 აპრილის №201 ბრძანებულებით დამტკიცებული ნიმუშის სატრანსპორტო საშუალებების სარეგისტრაციო მოწმობებს მოქმედების ვადა შეუნარჩუნდეს 2024 წლის 31 დეკემბრამდე.

#### მუხლი 3

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი კობახიძე

### საქართველოს თავდაცვის სამინისტროს სატრანსპორტო საშუალებათა რეგისტრაციის მოწმობის ფორმა

#### მუხლი 1. სატრანსპორტო საშუალებათა რეგისტრაციის მოწმობა

1. საქართველოს თავდაცვის სამინისტროს სატრანსპორტო საშუალებათა რეგისტრაციის მოწმობა (შემდგომში – რეგისტრაციის მოწმობა) არის 54X85 მმ ზომის მართკუთხა ფორმის დოკუმენტი. ფერი კომბინირებულია: მუქი მწვანე და ხაკისფერი. მოწმობის ორივე მხარეს დატანილია დამცავი ჰოლოგრაფული შრე, რომელიც იცავს მოწმობას ზედაპირული დაზიანებისაგან.

2. რეგისტრაციის მოწმობა ორენოვანია: ქართული და ინგლისური.

#### მუხლი 2. რეგისტრაციის მოწმობის დიზაინი

1. რეგისტრაციის მოწმობის წინა მხარე, ავერსი – სურათი №1.

2. რეგისტრაციის მოწმობის უკანა მხარე, რევერსი – სურათი №2.

#### მუხლი 3. რეგისტრაციის მოწმობის მონაცემები

1. რეგისტრაციის მოწმობაში (ავერსში) აისახება:

ა) ზედა ნაწილში, მუქ მწვანე ფონზე, თეთრი ფერის ორენოვანი წარწერა: „რეგისტრაციის მოწმობა“ – „REGISTRATION CERTIFICATE“;

ბ) ზედა მარცხენა კუთხეში, ხაკისფერ ფონზე – საქართველოს სახელმწიფო დროშა;

გ) ზედა მარჯვენა კუთხეში, მუქ მწვანე ფონზე არსებულ თეთრი ფერის ველში – რეგისტრაციის მოწმობის ნომერი, რომელიც შეიტანება შავი ფერით;



დ) ცენტრის ზედა მარცხენა ნაწილის ხაკისფერ ფონზე არსებულ თეთრი ფერის ველში – რეგისტრაციის ნომერი, რომელიც შეიტანება შავი ფერით;

ე) ცენტრის ქვედა მარცხენა ნაწილის ხაკისფერ ფონზე არსებულ თეთრი ფერის ველში – საქართველოს თავდაცვის სამინისტროს შესაბამისი ქვედანაყოფი, რომელიც შეიტანება შავი ფერით (ორენოვანი წარწერა);

ვ) ცენტრის მარჯვენა ნაწილის ხაკისფერ ფონზე არსებულ თეთრი ფერის ველებში – რეგისტრაციის მოწმობის საიდენტიფიკაციო კითხვარი, რომელშიც აღნიშნულია:

ვ.ა) მარკა, მოდელი;

Model;

ვ.ბ) გამოშვების წელი;

Production Year;

ვ.გ) ფერი;

Color;

ვ.დ) ტიპი;

Vehicle Type;

ვ.ე) ძრავის მოცულობა;

Engine Displacement;

ზ) ქვედა მარჯვენა კუთხეში, მუქ მწვანე ფონზე არსებულ თეთრი ფერის ველში – სატრანსპორტო საშუალების საიდენტიფიკაციო ნომერი, რომელიც შეიტანება შავი ფერით.

2. რეგისტრაციის მოწმობის (ავერსის) მარჯვენა ნაწილის ხაკისფერ ფონზე არსებულ თეთრი ფერის ველებში დატანილ რეგისტრაციის მოწმობის საიდენტიფიკაციო კითხვარში მონაცემები შეიტანება შავი ფერით, ქართულ და ინგლისურ ენებზე.

3. რეგისტრაციის მოწმობაში (რევერსში) აისახება:

ა) ზედა ნაწილში, მუქ მწვანე ფონზე, თეთრი ფერის ორენოვანი წარწერა: „საქართველოს თავდაცვის სამინისტრო“ – „Ministry of Defence of Georgia“;

ბ) ზედა მარცხენა მხარეს, ხაკისფერ ფონზე – საქართველოს სახელმწიფო გერბი;

გ) ცენტრის ზედა მარცხენა ნაწილის ხაკისფერ ფონზე არსებულ თეთრი ფერის ველში – წითელი ფერის წარწერა: „სამხედრო პოლიციის დეპარტამენტი“ – „Military Police Department“;

დ) ცენტრის ქვედა მარცხენა ნაწილის ხაკისფერ ფონზე არსებულ თეთრი ფერის ველში – შევსების თარიღი, რომელიც შეიტანება შავი ფერით;

ე) ცენტრის მარჯვენა ნაწილის ხაკისფერ ფონზე არსებულ თეთრი ფერის ველებში – რეგისტრაციის მოწმობის საიდენტიფიკაციო კითხვარი, რომელშიც აღნიშნულია:

ე.ა) ძარის №;

Body;



ე.ბ) ძრავის №;

Engine;

ე.გ) შასის №;

Chassis;

ე.დ) დასაშვები წონა;

Permissible weight (kg);

ე.ე) დაუტვირთავი წონა;

Net weight (kg);

ვ) ქვედა მარჯვენა მხარეს, მუქ მწვანე ფონზე, საქართველოს საერთაშორისო კოდი: „GE“;

ზ) ქვედა მარცხენა მხარეს, ხაკისფერ ფონზე, მუქი მწვანე ფერით – დამკვეთი და დამამზადებელი, ხოლო მის გასწვრივ, მუქ მწვანე ფონზე, თეთრი ფერით აღინიშნება დამკვეთი (საქართველოს თავდაცვის სამინისტრო) და შესაბამისი დამამზადებელი.

4. მარჯვენა ნაწილის ხაკისფერ ფონზე არსებულ თეთრი ფერის ველებში დატანილ რეგისტრაციის მოწმობის საიდენტიფიკაციო კითხვარში მონაცემები შეიტანება შავი ფერით, ქართულ და ინგლისურ ენებზე.

## სურათი № 1

 <b>რეგისტრაციის მოწმობა</b> <b>REGISTRATION CERTIFICATE</b>	
<div style="border: 1px solid black; height: 40px; width: 100%;"></div> <p>რეგისტრაციის ნომერი Registration number</p>	<p>ძირის მოდეალი Model</p>
	<p>მომზადების წელიწადი Production year</p>
<div style="border: 1px solid black; height: 120px; width: 100%;"></div> <p>კუთვნილობა Belonging</p>	<p>ფერი Color</p>
	<p>ძირის ტიპი Vehicle type</p>
	<p>ძირის მოცულობა Engine displacement</p>
<p>ძირის იდენტიფიკაციის N Vehicle ID number</p>	

## სურათი № 2





თავდაცვის  
სამინისტრო

# საქართველოს თავდაცვის სამინისტრო Ministry of Defence of Georgia

გაცემულია  
Issued

**სამხედრო პოლიციის  
დეპარტამენტი**  
**Military Police Department**

გაცემის თარიღი  
Date of issue

ძირის №  
Body

ძრავის №  
Engine

ჩაბის №  
Chassis

დასაშვანი წონა  
Permissible weight (kg)

შეფუთული წონა  
Net weight (kg)

რეგისტრაციის მოძიება

დანაკვეთი  
დაბეჭდა

სამართლებრივი თავდაცვის სამინისტრო

